

Placement an d'Pouponnière

Sr. Claudine DRAUT
*Chargée de direction,
 Foyer Ste. Elisabeth
 18, rue des Franciscains,
 L - 4444 Esch-sur-Alzette*

Bei der wichtiger Kontaktopnam vum 12. November 1993 tëschent de Gestionnairen vun eisen Centres d'Accueil an den "demandeurs professionnels", denen hir Suerg et ass, am Kader vun der UN-Konventioun iwert d'Rechter vum Kand an der Ausféierung vum Jugendschutzgesetz, fir déi Kanner en optimalen Erzéungsmilieu ze sichen denen hir egen Famill défaut mecht, sin e sëllegen allgemeng Iwerleeungen ugeschnidde gin, wat den Dépistage, den Diagnostic, an déi schließlech als ausschlaggebend Critèren fir d'Décisioun vun enger Heimaweisung ugin.

Ech begrüßen et awer, daß d'EGCA an engem zwete Schrëtt envisagéiert huet iwert des generell Reflexiounen eraus d'Erfahrungen vun den Responsablen vun den verschiddenen Centres d'Accueil och a Betruecht ze zéien en vue vun eventuellen spéideren Modifikatiouns- an Verbesserungsméiglechketen am Kontext vun eiser nationaler Placements-Problematik.

Ech soen de Responsablen vun der ADCA Merci, daß si bei der Presentatioun vun dene villen verschiddenen ugebuedenen Placements-méiglechketen den vläicht klengste Grupp vun placéierte Kanner dobei och wëllt virgestallt hun. De klengste Grupp, well et déi allerjengst vun eisen Centre-d'Accueils-Pensionnären uget, Bebéeen vun e puer Deeg un; de klengste Grupp och, well et mengen Informatiounen no den eenzegen mam Familjeministère konventionnéierten an egens fir Puppelcher équipéierten Grupp schengt ze sin.

Ech erlabe mer awer drop hinzeweisen, daß d'Pouponnière Ste Elisabeth vun Esch ken neien Service ass mais schon zënter 60 Joer bestet, an där Zäit allerdengs souwuel um strukturellen wéi och um edukativen Plang muenches geännert huet. Ech wëll elo keng Vergläicher zéien, wéisou an wéi eng Kongregatioun während Jorzéngten konnt 20-25 Puppelcher an dene Räum versuergen, an denen haut nach 10 Bebéeen

können opgeholl gin. Et géif och ze weit féieren fir hei op déi spézifesch Bedürfnisser anzegoen vun engem Puppelchen an denen éischte Wochen an Méint. Awer et ass net evident fir eng Erzéier-Equipe déi wuel am Moment aus 8 Leit bestet (mat edukativer an para-medizinescher Ausbildung) fir an engem Aarbechts-Roulement 10 ganz kleng Butzen mat émotionelle Stéierungen an och gesondheetleche Problemer gerecht ze gin. Dat Ziel, wat mir awer zumindest versichen mat vill Asaz an Hoffnung ungestriewen, ass eng familienopbauend Aarbecht ze maachen, d'Kand wuel virun engem fir seng Entwécklung ongënschtegen soziale Milieu ze schützen, ouni him awer all Kontakter zou senger natierlecher Famill virzeenthalten. Net einfach ass et an dem villen Va-et-vient vun Personal, Kanner, Besuch..., fir dem Kand en engegerrnossen Equilibre vun materiellem an affektivem Besoin ze garantéieren.

D'Ursaachen vum kurz- oder laangfristegen Bébéplacement an déi dovun ofhängeg Erzéier-aarbecht probéieren ech mat e puer Zuelen, déi sëch op d'Joren 1991/92/93 bezéien méi klor ze stellen an domat och bewoßt ze maachen, daß an dëser Altersgrupp vu Kanner en opfalend grouße Mouvement vun Entréen an Sortien sin.

Am Moment stellt den spezifeschen Puppelchersgrupp fir Kanner vun 0 bis ca. 3 Joer 7 Plazen am Régime Centre d'Accueil an 3 Plazen am Régime FADEP zur Verfügung. Am Prinzip stin dës 3 Plazen der Justice op fir urgent Placementer vu Puppelcher, 0-2 Joer, fir eng maximal Zäitdauer vun 3 Méint.

Am Joer 1991 hat de Grupp 11 nei Entréen, dovun

9 am Alter vun 0 bis 6 Méint
 2 am Alter vun 6 Méint bis 1 Joer

Am Joer 1992 waren et 16 nei Entréen, dovun

5 am Alter vun 0 bis 6 Méint
 4 am Alter vun 6 Méint bis 1 Joer
 7 iwert 1 Joer al

1993 hu mer 9 nei Entréen,

4 am Alter vun 0 bis 6 Méint
 3 am Alter vun 6 Méint bis 1 Joer
 2 iwert 1 Joer al

Vun dësem Total vun 36 Entréen an denen 3 Joer gin der 31 op de Kont vun den FADEP-Justice Placementer. Nëmme 5 Entréen heivun gin iwert d'Vermëttlung vum CIEP/CNAP direkt an den Centre d'Accueil.